

Govor visokog predstavnika i specijalnog predstavnika EU za BiH, Christiana Schwarz- Schillinga na konferenciji za medije sa Adnanom Terzićem, predsjedavajućim Vijeća Ministara BiH

Želim vam se zahvaliti na dolasku. Jučer i danas smo vodili vrlo korisne razgovore.

Danas su se Upravnom odboru Vijeća za implementaciju mira pridružili vodeće ličnosti svih političkih stranaka koje su zastupljene u Parlamentarnoj skupštini Bosne i Hercegovine, kao i premijer Adnan Terzić i njegov tim za integraciju u Evropsku uniju.

Iako je prošlo više od dva mjeseca nakon izbora održanih 1. oktobra, vlasti na nivou države i Federacije se tek trebaju formirati, a došlo je do zastoja u ključnim reformama koje moraju biti donesene prije no što se može potpisati Sporazum o stabilizaciji i pridruživanju sa Evropskom unijom.

Ova blokada u procesu reformi šteti mogućnostima zemlje da ostvari stabilnost i prosperitet. To je neophodno riješiti u predstojećim sedmicama.

Danas je svaka od vodećih ličnosti stranaka imala mogućnost da Upravnom odboru Vijeća za implementaciju mira prezentira svoje stavove u vezi sa situacijom u Bosni i Hercegovini te da da

svoju analizu mogućnosti da se stvore koalicije i formiraju organi vlasti, kao i šireg programa reformi obuhvaćenih Sporazumom o stabilizaciji i pridruživanju.

Politički direktori su jasno stavili do znanja da su spremni da rade sa svim strankama koje su riješene da završe posljednju fazu procesa sklapanja Sporazuma o stabilizaciji i pridruživanji i otklone blokade na programu reformi.

Politički direktori također očekuju brz napredak, posebno u pitanju reforme policije i prvog paketa ustavnih reformi.

Politički direktori očekuju da lideri Bosne i Hercegovine pokažu i da su u stanju da odgovore izazovima koje sa sobom donosi preuzimanje odgovornosti kao i da preuzmu odgovornost za budućnost svoje zemlje.

Moja namjera je da vam više detalja o našim razgovorima dam kasnije popodne. U međuvremenu riječ dajem premijeru Terziću.